



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LIV. Gregorii Papae I. Ad Petrvm Svbdiaconvm. De stipendiis in
dedicatione ecclesiae sanctae Mariae dandis.

urn:nbn:de:hbz:466:1-15221

De stipendiis in dedicatione ecclesiæ sanctæ Mariæ dandis.

Gregorius Petro subdiacono.

FESTIVITATIBVS sanctorum desiderabiliter insistentes, præsentis præceptionis nostræ paginam ad experienciã tuam necesse duximus dirigendam: indicantes ei, oratorium beatæ Mariæ, quod nuper in cella fratrum ædificatum est, vbi Marinianus abbas præesse dignoscitur, Augusto mense disposuisse nos adiuuante Domino summo opere dedicare, quatenus cœpta nostra operante Domino debeant consummari. Sed quia cellæ ipsius tenuitas exigit, debere nos in ipsa diei festiuitate concurrere, propterea volumus, vt ad celebrandam dedicationem dare debeas ad erogandum pauperibus in auro solidos decem, vini amphoras triginta, annonæ modios ducentos, olei orcas duas, verueces duodecim, gallinas centum, quæ tuis possint rationibus postmodum imputari. Statim ergo fieri hæc nulla moræ interiectione constitue, vt vota nostra Deo auctore celerem sortiantur effectum.

Visitacionem Ariminensis ecclesiæ iniungit.

Gregorius Severo episcopo.

FRATERNITATIS tuæ edocti sumus epistola, in persona Odeatini de electione episcopatus aliquos concessisse: quem quoniam nos non concedimus, in eius non debent immorari persona. Sed habitatoribus eiusdem ciuitatis edicito, vt si in eadem ecclesia dignum ad hoc opus inuenerint, in ipsius cuncti electione declinent. Alioquin præsentium tibi portitor personam, de qua ei diximus, indicabit, in cuius debeat fieri electione decretum. Vos etenim in eiusdem visitacione ecclesiæ estote solertes atque